

明

史

明史卷二百三十

列傳八十一

陳泰孫曰良 崇 霍 瑄

曾 榮

邢簡李 頌 范 理子嗣

陳嘉猷

~~黃~~ 銓梁徐 榮 彭 誼雷 復

蔚 能張 必

蘇 奈 郁 宇 楊 璿

夏時正許 景 隆

杜 鷄 黃孔昭

陳泰字吉亨光澤人幼從外家曹姓既貴乃復故舉
鄉試第一除安慶府學訓導正統初廷臣交薦擢御
史巡按貴州大軍征麓川歲取土兵二千為鄉導戰
失利輒殺以冒功泰奏罷之再按山西時百官俸薄

奏上言書稱凡厥正人既富方穀夫衣食缺雖父母不能保其子饑寒迫雖夷齊不能固其操今羣臣祿入厚者月不過三石薄者一二石而已所折鈔又不
能即得其於仰事俯育往來道路及親故遺問之需均不能贍不免移其所守官常日乖犯罪益衆乞量增祿源俾足養庶然後創治姪汙則貪風自息事格不行六年夏以災異請勅言官糾彈大臣去其尤不職者而後所司各考覈其屬帝從之於是奏同官馬謹及都給事中胡清等交章劾尚書郭維兵中副都御史李潯石通政李錫祭酒貝泰太常少卿崔奎都

督陳懷蕭投衰疾妨政侍郎李庸洪興陳瑞會都御
史程富通政使李暹順天府尹姜壽司業趙琬太常
少卿蔣守約寺丞戴慶祖王一居新建伯李玉都督
沈清等皆奉職無狀由是賜罷者數人已復出按
山東素勵行好得擊三為巡按懲奸去貪威稜甚
峻九年超擢四川按察使巡撫都御史寇深忌其能
叅議陳敏希深指劾奏擅杖武職殿與夫至死遂逮
下刑部獄坐斬奏辨大理卿俞士悅亦具狀以聞
皆不聽邸王監國赦復官于謙薦守紫荆關也先入
犯關門不能守復逮下獄論死景帝宥之命充為寧

官從軍自劾景泰元年以大理右少卿守備白羊口未幾遷右僉都御史鎮易州節制紫荆倒馬諸關三年命兼巡撫保定六府尋進左僉都御史督治河道自儀真至淮安濬渠百八十里塞決口九築壩三役六萬人數月而畢七年移撫蘇松天順改元罷巡撫官改添廣東副使以憂去久之四川盜起有言泰嘗泣其庭有威名乃復故官往巡撫父老聞泰至呼作相慶貪墨吏有免去者八年進右副都御史總督漕運兼巡撫淮揚諸府水災民饑泰請寬恤停追課馬從之泰有才力居官砥節奉公蒞下嚴而不苛吏不

能欺所至民皆德之。淮三年年甫踰六十即謝政
歸久之。率同泰時為巡撫著稱者有孫曰良。李崇曰
良。豐城人。永樂九年進士。除御史。時交趾初定。欲得
老成有才力者安輯之。乃以為交州知府。地既都會
民傑。鐵處最統難治。曰良耐循勞徠甚有聲績。及大
交趾還。謂重慶建言四事皆便民。擢廣西右布政使。
景帝嗣位。以臨清地要。重議遣大臣鎮之。遂遷曰良
右副都御史。以往在鎮二年。為軍民所戴。引疾弗許。
乃舉都御史。韓雍李匡等十人自代。章三上始得請。
曰良器遠有雅度。薄自奉而急於義施。及親故家食。

二十餘年不入城府鄉人高之崇縉雲人宣德五年
進士授刑部主事為尚書魏源所器後金濂代源以
剛嚴攝下多欺跼不敢忤獨崇與辨論謹訶不避而
濂亦器之歷郎中錄囚南畿平反為諸郎最景帝嗣
統超擢本部右侍郎未幾巡撫廣西所部多寇以次
討平大整己率下令行政舉後治黃珖獄珖請廢太
子驛擢都督索壽壽不得志累疏謝病歸不携嶺表
一物以清節顯

霍瑄字廷璧鳳翔人由鄉舉入國學校大同通判清
九載用薦就擢知府也先擁上皇至城下瑄與侍郎

純固等出謁奉命括金帛充犒固志斷有獻之已而
獲至都郭登郭登戒嚴弗應瑄號泣不白勝從水竇旬
旬再出叩馬鳴咽衆露亦叱之不為動因獻上皇服
物出金帛犒也先軍上皇嘉歎密諭堅守瑄慟哭而
返是時賊衆數出沒大同渾源伺軍民撫採輒見驅
掠或幸脫還率殘傷肢體村落遺民遂收聚入城然
無所棲息又乏食環聚泣告願就內地避兵瑄具為
奏之于是老弱聽暫徙乃發粟賑貸饑民而所留城
守丁壯亦得除除長七年秩滿當遷鎮巡諸臣聯章
乞留詔加山西參參政仍治府事英宗復位德瑄及

固徵拜瑄工部右侍郎而固亦以右亨薦起家為戶部尚書既而巡撫上瑄治行賜誥旌異初瑄在大同巡撫年冑被逮瑄資其家還里由是為鎮守太監韋力轉所惡捷之十餘至是瑄以聞且言力轉每宴輒用妓樂服御僭侈如王者又強取部民女為妾帝怒逮力轉下詔獄力轉因訐瑄遺法事都察院請收瑄貨訊帝兩釋焉其年轉左侍郎賜二品服成化初坐貸子錢於領運千戶屬督漕總兵官代徵被劾奪俸已而即命何經以事抗瑄奏經毀署經亦訐瑄擅耕官地建煖閣諸事言官交劾帝以瑄先朝有勞但

停半載俸而調經南京未幾改督易州山厥其秋雷
震午門震劫乃致仕久之不歸竟卒於京師瑄初治
郡有聲不敦晚節以艱危時見知天子遂久都顯位
云

曾蒙字時升泰和人宣德八年進士治秦府永興王
墓却有司餽遺還授刑部主事進員外郎尚書金濂
器之伴典奏牘有重獄諸郎不能決者輒以屬蒙秦
王以私憾誣巡撫陳鑑狎妓舉朝疑駭蒙按得其情
劾藩府不當汙誣大臣朝論偉之進郎中以侍郎何
文淵薦擢廣西右叅政思明土官知府黃瑄既致仕

子鈞代瑀庶兄都指揮使珙時守涿州欲殺鈞而樹
其子灝詭辭徵兵於鈞令灝結寨思明城外而得以
數十騎入城破滅瑀鈞家灝復歸寨偽使人報他盜
為亂佯哭仆地入城發哀鈞察得免者懇於官府
中人亦皆知殺瑀者珙父子也於是巡撫李棠檄瑛
及副使劉仁宅治其事珙使人持千金賄於道且約
灝得官瑛府藏以報而父子各擁精兵挾之二人陽
許諾瑛留於涿州而仁宅詣南寧灝及弟瀚來迓仁
宅伏杜_盡執之瑛亦誘執珙以歸下之獄棠以聞珙
嘗則遣使上書請帝廢太子立己子帝大喜曰萬里外

乃有此孤忠耶。擢茲都督同知出潁。兗。第于獄。事盡
群輩等。息而已。尋以憂去。制滿起官河南御史清
軍者利得軍多。枉及民。輦為辨。釋甚衆。南陽諸府多
流戶。衆議驅逐。人情惶急。輦與巡撫協謀止之。衆乃
安。天順五年遷小東右布政使。民墾田無賦者。奸民
指為閑田。獻諸戚畹。部使者來勸輦曰。祖制民墾荒
田。永不科稅。奈何以為閑田。輦奪之。使者奏如其言。
乃免。成化初轉河南左布政使。歲饑。輦計開封積粟
多。奏請平糶貧民。賴之四年。召拜刑部左侍郎。仍食
從二品俸。尋視浙江考察官吏。奏罷不職者百餘人。

他弊政多所釐革還朝久之謝病去輦謹操行所至
有聲及歸生計蕭然絕跡公府鄉人以為賢景帝既
摧玘都督心念之驛召至京命泣事前府賜居第寵
錫甚厚復遣使齎勅取其家蕭辦在資遣諭二年玘
死願請嗣兵部言願嘗弒從父瑀不宜嗣乃令瀚嗣
指揮食事英宗復位有衛卒縛願送京師下詔獄成
遣

邢簡字居敬陝西咸寧人少力學有志尚登景泰五
年進士減刑部主事進員外郎擢真定知府真定畿
內劇郡著漢將卒錯處勦成豪右多抗法奪民田訟

牒紛互簡處之有方上下悉安以其間修學校清賦
役討求^{治弊}而廢置之治績稱最成化中賜誥旌異
居七年遷浙江右叅政召為順天府尹京邑供億繁
民多缺產簡為裁節十五六改南京大理卿十三年
徵拜戶部右侍郎明年端午扈駕閱武萬歲山暴疾
卒簡為人蘆介謹明與人交坦然無矯言飾行卒之
日囊無餘貲士大夫莫不賢^簡。時博羅李願正統
元年進士除戶部主事歷福建僉事右叅政廉靜有
威莆田豪游益網侍中官勢橫鄉里長吏莫敢詰願
至立除之彙遷山東右布政使天順四年舉治行卓

異成化初由浙江左布政使召拜工部右侍郎六年
出治盧溝天津河道明年錢塘江溢壞田廬棄顧往
治長堤五千餘丈謝病歸卒

范理字道濟天台人舉鄉試登宣德五年進士
帝召諸進士試用人何以得真才論理稱旨賜白金
寶鈔英宗初授江陵知縣民彙逋租十四萬石上官
徵之急不能償時將卒家墾田立戶號曰畸零不共
役理定其等諭令各出佃役米因以償租民逋畢完
甫七月滿政甚著以前令還任常解去民遠留之會
少保楊溥子自其鄉來省溥問以道中所見對言所

過官司率有贈遺惟江陵令獨無溥心賢之薦為德
安知府道州民田為楚府護衛所奪者數百家猶令
輸府理具奏盡還其田歲再滋屬邑省耕牧庶疾苦
而去中府中歷十四年擢福建右布政使大軍討賊
理司饋餉有勞奏檄檄遭春服闋起貴州左布政使
布政舊寄治於驛理奏徙貴州前衛而建解馬土官
貧不能襲者悉令之襲吏無無漁利楚蜀轉餉貴州
艱甚理俾以銀代遠近稱便憲列上其鄉有司賢否
請行黜陟為吏科所劾下法司論罪已而得釋天順
七年召為南京工部右侍郎修葺郊廟宮殿解宇城

樓千百楹戰艦數百軍器數萬皆帶蘆場抽分局羨
材內庫踴惡布帛以給費不足則請贖雖公私不耗
而事集外轉漕南京者自求羨入倉石費至三斗理
令軍就船支三月餉歲省米萬石因藉以備荒
成化四年星變為南京御史所劾下侍郎葉盛等劾
奏以經赦不問明年就改吏部左侍郎理清勤優吏
幹善符文學滿九載考績赴京道卒子綱進士歷兵
部郎中坐事出知濱州有惠政比卒州人祀之龔遂

祠

陳嘉猷字世用餘姚人父贊舉經明行修仕終太常

少卿嘉猷登景泰二年進士授禮科給事中有訓導
陳冕以治沙灣決河遷教授及河復決冕自詭能治
工部以為妄將罪之嘉猷疏爭曰朝廷常降詔求治
河方界未有應者冕故有勞効奈何嫉之置諸有罪
之地冕不足惜然自此人皆絀口繫足國體甚重乞
令冕協同巡撫諸臣設策修築帝從之五年戶部以
鈔法不通議令兩京塌房果園蔬園及大小市廛月
輸鈔於是人情洶洶幾罷市是時遠近苦旱滂沱珠
塞途嘉猷率同官言兩京根本也不宜當凶歉之秋
為擾民之事且云欲足財用在陛下躬行節儉去冗

官汰冗兵省無益之費罷無功之賞停不急之務禁
游食之民則賦自充安在頭會箕歛絕小民衣食之
源以為國利帝感其言於是國圍及市屢小者得免
徵天順三年以刑科使朝鮮責其王李瑄與建州董
山私媾事瑄惶恐稽首謝罪還偕行人彭盛冊封滿
刺加遇颶風舟激漂蕩六日返至海南衛遇救免幣
物皆壞遂之以行嘉猷再使外蕃皆却其重饋還權
通政左叅議成化初進右通政遭父憂詔奔喪畢起
視事力辭不許乃赴官退食輒衰麻衰慕毀瘠未終
喪而卒

賈銓字秉鈞邯鄲人永樂末舉進士授刑科給事中尋掌科事屢有叅駁英宗踐祚既肆赦復命獄在京重囚赦所不及者多所原宥銓請推行之南京報可秩滿去大理知府王驥征麓川軍馬驛銓外供師旅內撫士民臣書盡驥才之乞與食事徐觀楚

雄知府馮郁同賜優擢吏部尚書郭璉等請如驥言帝曰銓等誠有勞但征南將帥未遽行賞不宜先賞饋運官朕非吝爵祿俟功成議叙未晚也璉等頓首謝不及暨麓川平權雲南左叅政仍知府事再以驥薦遷治司事居數年政績益顯會左布政使闕軍民

數萬人頌銓善政乞以命銓巡撫侯建等亦疏請銓
遂得摧土官十餘部歲當貢馬輸差發銀及海肥八
府民歲當輸食鹽米鈔系景泰初皆積逋不能償銓
等為言除之民感悅治行聞賜旌異九滿入都軍
民恐其遷去相率乞留詔命還任天順四年舉政績
卓異先是戶部決吏部尚書王翔欲推銓帝以
問李賢賢曰聞其名未見其人也及是來覲帝命賢
覘之還奏貌不稱乃以為右副都御史巡撫山東尋
兼撫河南山東歲稔請召還清軍御史河南饑請停
徵課馬皆許之成化初左都御史李秉哲師遼東召

銓署院事中官唐慎等從征荆襄還聽從人諧杖死
淮安知事谷淵自奏丐免銓等請罪之乃付慎等於
司禮監而命法司罪其從人未幾卒官益忤靖銓為
人獲屢辟雲南政績為一時領袖為巡撫政尚清靜
不自表祿吏民五之銓全以布政舉卓異者有秦
和梁蔡光山徐璟皆進士蔡為刑部主事善辨冤獄
有時譽用薦擢廣西副使進右布政使將士禦賊多
殺良民報功蔡諭其帥定教懲民一人準功一級全
活無算田州土官岑鑑兄弟相讐蔡為解之却其厚
饋撫諭梗化女土官稽首遵約束民夷服其信義遷

浙江左布政使益能其官璟正統中為四川督糧叅
議遭父憂御史及布按二司頌其賢因奪哀還任累
官福建左布政使久之致仕前後善政皆為人所稱
彭誼字景宜東莞人正統中由鄉舉除工部司務嘗
與尚書辨事曲直考決所劾阿景帝立用薦改御史從
尚書石瑄塞沙考決進秩二等己而復決再往塞
之時考決謂夫淺夫無廩食似誼言人給米月三斗
己從大學士王文獲賊許道師權大理丞諫官言誼
治河南遷秩河堤隨壞己為冒進今又以微勞遷恩
寵過濫帝不聽尋權右僉都御史提督紫荆倒馬諸

關都指揮胡璽約賄縱軍勦而罪。順初罷巡撫
官會中朝有不悅誼者下遷紹興知府歲饑賑發廩
賒貸更白當俟朝命誼曰民方急安得循故事吾何
愛十寶燕活萬人命耶明年秋民爭輸納不失故
額築白馬脯障海潮。府額馬歷九載多惠政超推
山東左布政使入為工部左侍郎成化四年遼東巡
撫多不稱命於大臣中求之乃改誼右副都御史以
往鎮守中官橫徵諸屬銜誼下令凡文牒不經巡撫
審定者所司毋輒行虐熖為息六年寇凌遼河入犯
誼督軍擊敗之十年戶部檄所司開黑山金場誼奏

言永樂中太監王彥嘗開是山督夫六千三月得金八兩不足償費請罷之誼好古博學通律曆占象水利兵法之屬平居謙厚簡默若無能者而臨事毅然有斷鎮遼八年軍令振肅所建立多可經久年耄老四疏告歸家居二十餘年卒人服其勇退同時雷復字景暘湖廣寧遠人正統初進士改庶吉士授行人邊御寒出為廣西副使騰縣民胡趙成構淫賊攻陷縣治與泰將范信討斬之成化初以大臣會薦擢山東右布政使七年徵拜禮部右侍郎尋改右副都御史巡撫山西九年春賊入紅沙煙督將士擊敗之

再追敗之煙寺溝石人村賜務焚燬是時山西大疫
而建議以陝西用兵令預徵芻餉轉輸榆林後上言
自山西至榆林道路險絕民費銀往芻價既翔踊不
免轉糞為其價責多至破屋私雨雪忽遭饑民疾病
流離困悴萬狀而應辦綾帛藥果諸物又不下萬計
乞依山東例蠲除仍發帑賑贖帝從之及發金三萬
不足又請粥鹽四十萬引并令民入粟授散官皆報
可獲瑞恪謹法度所至得軍民心卒官

蔚能朝邑人初為吏以能授光祿寺典簿性勤慎盡
心職守正統中秩滿當遷四署官聯章乞留卿柰亨

亦以為言乃超擢本寺丞景泰元年進少卿凡祭祀
燕饗及犒四裔貢使降人辨名物量出入察其豐約
美惡親視而品嘗之稍不保舉召所司飭責由是大
官無竄事三年遷本寺卿无刺貢使將至供億不足
請停內官曹吉祥等及國師佛子禪師酒醴以資用
從之天順元年進禮部右侍郎仍掌寺事四年秋大
烹時閉宮言者以罪能等等游問先是有旨雨天佛
子劉南釋刺日給酒饌至是死能等援故事終百日
停給帝怒執能下詔獄已而釋之大內供奉器皿為
中官私鬻能與同列奏之且請稽覈帝入中官言大

怒復下詔獄詰所由能謂少嫌都鐸劉璉等曰上怒不可測吾老矣當身任之諸君方駸駸以向用不相累也遂自引服於是鐸等但奪俸而能坐贖徒特刑侍郎譚南京成化初卒於~~刑~~雖起刀筆而有操執知大體官光祿四十年未私禁鬻先是永樂時潁州張泌為卿最有名吏部每除光祿官成祖必問其人得如張泌否自泌沒續者罕及至是能與之埒能既卒後為卿者皆自以清流不親細務任厨吏侵冒饑且粗惡為外裔所笑及增造龍鳳窰器不復恤國用於是戶部尚書年富奏物料歲增請治光祿侵剋

罪士大夫益追思能賢能之先以謀流為光祿者有
井泉郝郁奈亨泉起厨役永樂中積官至光祿監事
嘗與卿張泌發中官陰事成祖嘉之並賜詔免二死
必卒遂超擢泉代之泉傾除無行仁宗在東宮典膳
局故有厨役二十人一日成祖疑東宮擅遣之歸下
寺詰問且命法司逮治而二十人者實皆在乃已泉
並進入光祿寺自是東宮~~典膳~~二膳泉矯上旨他有
宣索一物不得給太子莫究所自不敢自言成祖恒
有疾或竟月不朝亦未知典膳無人也及仁宗嗣位
闕宮中故牘始知事本泉及蔡蕭成所奏大怒未發

泉奏故事威遠光祿正官採賂而狸於南宮帝責曰
朕方詔停不急務爾欲以飲食細故失大信耶叱之
下會御史劾泉成及署丞王羅等赦後盜內府物法
當斬帝乃并出前奏示泉泉頓首請死帝赦之曰
爾間吾父子幾枉殺二十人又矯詔乃立誅成羅以
嘗書奏遂并誅而泉有免死詔斥為民以丞撫寧郝
郁代之郁初為永平府吏堵難兵起預守城功授光
祿簿積資至丞當泉之無禮於東宮也郁獨不與其
謀且素行無過故見推為卿其能不及必然奉職勤
慎及郁卒而香河奈亨更以吏顯亨亦以堵難守城

功除修武丞召為吏部文選主事進員外郎亨有才
諳而無操行善事尚書郭璉璉喜其便習奏加正四
品秩再遷遂代郁為卿時王振用事亨諂附之矯旨
日給牲醴品物以為常振喜得加戶部左侍郎仍掌
光祿事嘗與吏部郎中趙敏構陳辭連尚書王直俱
下獄幾為所害由是朝士益惡之當景泰初亨年七
十餘僂矣猶染其髭鬚自號洪下有竊笑者亨怒撻
之其人遂發亨奸賊罪下獄坐死以老得原但令致
仕越二年而能為卿能之後吏無復有為光祿者矣
楊濟字叔璣無錫人正統四年進士授戶部主事遷

郎中有能譽景泰中權山西憲叅政尋行州縣檢覈
民戶立三等法以均徭役上下稱便遷陝西右布政
使居五年調河南左布政使未上以母憂歸成化三
年召拜戶部右侍郎甫入部俄右副都御史撫治荆
襄流民時賊首劉通石和尚等雖誅餘黨尚竄伏山
谷流屯聚者不下百萬瘡命留者著籍去者資遣之
奏黜屬吏不職者百餘人析內鄉地置浙川縣周行
賑恤區畫有方六年朝議修京畿八府荒政乃命瘡
巡撫其地時所部官廩俱匱瘡多方措置有司急事
者繩以法而巨室不樂捐輸怨謗紛起瘡行之不顧

由是府縣有儲蓄嘗建言京師東南諸州縣屢被水
患良由地勢平坦水易淤積而上流渾沔白溝唐河
堤岸不修每霖雨輒決溢為下流患間有長吏欲為
民興利者又以此種彼界智力難施不過與諸東西
以鄰為壑遂致地利咸失歲比不登小民艱食仰口
待賑而已夫儲積有限請給無窮殊非經久之計請
特遣使尋河渠故道相度築堤隨宜疏濬復增高上
流三河堤岸庶水患可息帝即命璿督理工既竣畿
民賴之八年改撫河南訪民瘼祛吏弊奸宄屏跡十
年卒於官璿通敏有操家素澁而自奉甚約治官如

治家惟其是不擇利害而趨樹士大夫語政事才者
必推瘠

夏時正字季時仁和人正統十年進士除刑部主事
父憂歸為鄉人誣訐逮下獄系白得釋景泰六年以
部中錄囚福建出死罪六十餘人中有減死詔充所
在濱海衛軍者時正慮其入海島為變轉發之山東
然後以聞因言凡福建減死囚俱宜戍之此方法司
是其言而請治違詔罪帝特宥之時正又言通番及
劫盜諸獄以待會讞淹引時月囚多瘐死請自今即
令所司斷決詔從之且推行之天下天順初擢大理

寺丞久之以便養遷南京大理少卿成化五年再遷
本寺卿明年春命巡視江西災傷至則興發勸分除
無名稅十餘萬石汰諸苛冗役數萬奏罷不職吏二
百餘人增築南昌濱江堤及豐城諸縣彼岸民賴其
利然時正性改率易等上奏不具骨奏人姓名吏科
論其簡恣帝宥其罪令錄拜章示之時正遂乞休歸
僦居民舍布政司張瓚為築西湖書院居之家食三
十年年近九十而卒時正雅好學既閑居久益留心
簡籍多所著述於稽古禮文大事尤詳東南學士推
重之其考察江西官吏也吉潑知府許聰與馬聰初

除吉安言府多強宗豪右難矯請勅以往遂一切用
威嚴繩下死於獄者五十餘人性復矜傲副使夏寅
行部至府聽屢抗拒寅不能堪按察使牟俸勅寅奏
發其凶戾及乾沒官錢事未及勅報適時正至入寅
等言考黜聽而千戶蔣慶者復許聽陰事時正遂執
聽下獄具以聞巡按御史俞蓋以寅與聽有郤難盡
信亦奏於朝詔刑部員外郎李廷美會蓋復訊還奏
五十人者多病死非蘇勤先是吉安有僧與司禮王
高善怒聽嘗辱其徒譖於高高雅佞佛備為帝言
聽詰虐狀帝信之疑廷美蓋有私下之吏而別遣錦

衣官履按報如時正等言械聰至京廷訊論斬詔即
弃市毋覆奏遂於夜半戮之請廷美蓋有差而以吉
安同知黃景隆代聰景隆故與聰不協聰之死景隆
有力焉及為知府酷暴過於聰巡按御史沃類奏狀
帝命刑部郎中屠勛往治閩囚籍死者凡四百十七
人而無罪故勘者百有六人遂逮下法司論斬竟死
於獄屍久之不收蟲流於地云

林鷄字一鷄浙江太平人景泰二年進士授御史嘗
監京畿鄉試內閣陳循等以子不得舉許考官而鷄
邑子林挺預薦疑鷄有私逮滋考訊將中鷄而挺實

無他事得白英宗復辟做先謙故事簡廷臣出知府
事鶚得鎮江召見賜膳及道里費諭所以用意鶚感
激比至革弊舉廢治甚有聲漕故經孟漬險甚巡撫
崔恭儀鑿河自七里港引金山上流通丹陽避之鶚
言道里遠多石且壞民廬墓請按京口脩甘露壩故
迹漕之令通舟春夏啟牖秋冬度壩功力者便恭從
議遂為永利居五年以才任治劇調蘇州鶚為政務
簡靜遇事必審義教由蘇人始重鶚名意旦暮有建
幸願見謂廷緩鶚守之如故民亦安之成化初起遷
江西按察使獄獄必麗情法不妄徇人有犯大辟賄

連官求生者鶚執之愈堅廣東寇行剽至潁州境急
調兵禦之遂遁廣信妖賊妄稱天神惑衆旁近邑盡
驚鶚捕戮其魁立解_以虀左右布政使歲饑奏減民
租十五萬石成化六年擢南京刑部右侍郎踰年以
母憂去服除召為刑部右侍郎執法不撓召出諸卿
之右十二年得疾遽卒鶚秉禮義交遊不苟措對妻
子無惰容公餘輒危坐讀書事生母孝謹母性嚴色
稍不怡必跪請其懽乃已歿之日不能具棺斂友人
為經紀其喪鶚始在鎮江父焦先廟見像用冕旒侍
衛如王者曰先隱士也胡可憫為易去蕪州先聖像

歲久剝落，鷄曰：「塑像非古也。」等太祖於國學，用木主命，改從之。或以毀聖像為疑，鷄曰：「此土偶耳，豈真聖像耶？况古人席地而坐，正不如此。聞者嘆服。」嘉靖中，御史趙大佑上其節行，贈刑部尚書，諡恭肅。

黃孔昭，黃岩人，初名權，後以字行。改字世顯。父瑜，進士，兵部主事。孔昭年十四，遭父母喪，哀毀骨立。既長，父友建寧知府賀宏知其賢，舉為松溪訓導，不果。嘆曰：「丈夫不能自致，通顯為藉人薦引耶？」日鍵戶讀書，至忘寢食。遂舉天順四年進士，授屯田主事，奉使江南。鄉人仕其地者，以束帛餽，邵弗受。司多積弊，孔昭

欲振刷為全列所忌使黠吏構之事竟得直全列坐
罷官進都水員外郎成化五年文選郎中陳雲等為
吏所訐盡下獄貶官尚書姚夔知孔昭廢乃詞之文
選九年進郎中故事選郎率閉門謝客孔昭獨否曰
國家用才猶富家積粟粟不素積豈足瞻饑才不預
儲安能濟用苟以深居絕客為高何由知天下才俊
公退過客至輒延見訪以人才書之於冊他日除官
以其才高下配地繁簡由是銓叙平允以其私干者
悉拒之雖貴要不顧也嘗與尚書尹旻爭事至推案
盛怒孔昭拱立不去徐俟其怒止復言之旻雖不盡

從然亦信其諒直是曠通政評倫欲用為工部侍郎
孔昭執不可是卒用之後倫果敗是有故人為布政
屢欲推為巡撫孔昭不應其人入都未謁不覺屈膝
孔昭益鄙之他日是令推舉孔昭曰彼所少者大臣
體耳是詢知其故謂其人曰黃君不離銓曹汝還不
可望也其守正不撓如此為郎中滿九載始擢右通
政勝武職黃久之遷南京工部右侍郎有官地十餘
畝為勢家所侵奏優舉舉詔薦舉方面以知府樊瑩
僉事章懋應復皆為名臣郎官主藏者以羨銀數千
進斥退之極地得古鼎急命工鑄文廟二字送之廟

中俄中貴欲獻詩朝見錫字而止孔昭宥學政行與
仝府陳選林鴉謝鐸友善並為士類所宗弘治四年
卒嘉靖中贈禮部尚書諡文毅子備亦舉進士為文
選郎中備子綰以議大禮至禮部尚書自有傳

論曰明白開國以來往往勤飭吏治綜課實功馴至
英景而後中外庶績猶班班可考若陳恭以下諸臣
是矣夫人才甚非乏也惟朝廷有責實之意斯委任
咸當慶賞不虛凡偽術浮名無所於用其以破玩愒
之習收振舉之效不難矣然則轉移風氣豈不在人
與

明史卷二百三十一

列傳八十二

原傑

徐廷璋

李

綱

張

綱

陳濬

夏

張

瓚

盧禕

李侃

高

明

牟俸

楊繼宗

王

詔

謝士元

原傑字子英陽城人正統十年進士授南院御史尋改北巡按江西捕誅劇盜數百人奸宄斂跡再按順天諸府近畿州縣大水民率流亡而牧官馬者之芻藁馬多斃有司責償甚峻傑極陳其困請免償且移

牧他縣而開中鹽引入米賑饑既入為所司所格景
帝卒從傑議傑又以入米例重請輕之亦報可超擢
江西按察使御史胡鍊家居請屬有司傑劾罪之發
寧王奠培淫亂事革其護衛治行聞賜誥旌異遷山
東左布政使成化二年就拜右副都御史巡撫其地
歲凶資傑賑救民無流移召為戶部左侍郎六年春
察吏河南考黜公當時黃河遷決不常彼陷則此淤
軍民就淤墾種以給口食償賦稅而奸徒指為園場
屯地投獻王府徵賞王府輒據有之民不聊生傑請
自今獻者請戍受獻并罪從之其年冬順天永平河

間保定四府饑詔發帑賑濟命傑督之傑計口給三
月食至麥秋乃罷得羨銀二萬有奇請於朝令有司
易粟備賑詔可還遭母喪去九年江西盜起以傑嘗
再蒞江西能得民詔起復往治傑設方畧捕獲六百
餘人餘悉解散明年改左副都御史遷佐院事荆襄
流民復聚至數十萬人朝廷憂之祭酒周洪謨等著
流民圖說謂當增置府縣聽附籍為編氓可實襄鄆
戶口俾數百年無患都御史李瓊採之以聞帝善之
十二年遂命傑出撫傑至徧歷山谿宣朝廷德意迨
問諸流民無不忻然願附籍於是大會湖廣河南陝

西撫按官籍之得戶十一萬三千有奇口四十三萬
八千有奇其初至無產及平時頑梗者驅逐其鄉凡
萬六千餘戶而附籍者用輕則定田賦民大悅因相
地勢以襄陽所轄鄖縣居竹房上津商洛諸縣中道
路四達去襄五百餘里山林阻深將吏鮮至伴有盜
賊府難遠制乃拓其城置鄖陽府以縣附之且置湖
廣行都司增兵設戍而析竹山置竹谿析鄖置鄖西
析漢中之洵陽置白河與竹山上津房咸隸新府又
於西安增山陽南陽增南召桐柏汝州增伊陽各隸
其舊府制既定薦知鄖州吳遠為鄖陽知府諸縣皆

擇隣境良吏為之由是流人得所四境乂安將還以
地界湖廣河南陝西事無統紀因薦御史吳道宏自
代詔即擢道宏大理少卿撫治鄆陽襄陽荊州南陽
西安漢中六府鄆陽之有撫治大臣自此始也傑以
功進右都御史先是傑數啟歷於外既居內臺不欲
出俄得荆襄之命非其意也事竣急請還朝帝已許
之而左都御史王越忌傑剛正不欲與共事謀之內
閣劉珝會南京兵部缺尚書珝遂以傑任之傑時以
積勞成疾聞命益鬱鬱疏辭不許遂卒於南陽年六
十一耶襄民間之流涕為立祠詔贈太子太保錄其

子宗敏為國子生

徐廷璋字公器雁山人性豪邁有才畧景泰初舉進士授工科給事中四年上言七事畧謂師保之官非賢不授今每部增尚書一人都察院增副僉都御史三十餘人且徧加官銜名器猥濫天下教職多用歲貢監生山林儒士素無積學問難茫然宜專用副榜舉人以重其選鄉舉舊有定額今陝西山西皆增至百名及會試無一中者歲貢亦四倍於昔請仍如正統前例天子綏來萬方不貴異物近蠻方屢貢金銀寶石火鷄白鹿之屬未足為珍徒擾道路請一切停罷

河南山東湖廣浙江皆內地可省巡撫官其撫邊方
者不宜久任致法玩不行京師天下所取則今當節
序男女雜集焚香寺觀大壞風俗宜嚴為禁制春秋
之法誅奸邪必先誅黨附今尚書何文淵既罷其黨
許資王魏汪廷訓何澄輩亦宜斥逐既入帝嘉之下
所司議遂省四巡撫天順中歷兵科都給事中憲宗嗣
位錦衣都指門達有罪廷臣會鞠猶畏達不敢言廷
璋怒叱加刑達乃服辜尋擢右舍都御史巡撫延綏
勅總兵官張傑貪淫傑亦疏許廷璋詔遣官往勘言
傑所犯有跡廷璋事多虛詔俱逮問及廷諷如勘者

言乃請傑戍邊廷璋停一歲俸改撫甘肅數條上邊
務且請設肅州學校諸山丹涼州莊浪西寧已建學
者諸生得食廩充貢如中土帝多之在鎮七年武備
整飭調撫寧夏大築邊牆墜山堙谷亘數百里邊人
賴以保障是時余子俊撫延綏馬文升撫陝西並貢
物望而廷璋名與之埒稱關中三巡撫九年兵部尚
書白圭言廷璋剛方有為未嫻軍旅請與湖廣巡撫
吳琛更調以盡其才帝不允明年平虜將軍劉聚等
妄奏鞏州之捷言官因劾及廷璋已而給事中韓文
湛報白廷璋無罪乃免尋坐事罷歸久之卒

李綱字廷張長清人紹從父入都墜車下車襟履橫
度竟不傷人或異之登天順元年進士授御史綱為
人負器局有操執歷按南畿浙江舉廉能仲亮抑去
浙江賊吏至四百餘人奉命編集迨緝土兵邊人畏
服遷遷太僕少卿巡畿輔馬政先時視馬者至有司
率歛錢饋道至是弊絕按行冀州遇盜奪其篋將啓
之問隸人曰乃太僕李公耶是何從得金不啓篋而
去成化十三年遷右僉都御史佐院事明年轉左出
督漕運與平江伯陳銳共事運艘遭風失糧者請免
逮問從之踰年卒銳見筭中惟弊衣數襲揮涕曰真

君子也為具棺歛聞其清節於朝帝特命賜葬不為
令同邑張綱者字大振景泰五年進士授御史中官
曹吉祥欲庇一指揮廢塌立度綱執不可成化初遷
江西副使轉湖廣按察使七年以薦入為左僉都御
史廷議畿輔八府增設巡撫一人乃命綱巡撫順天
永平兼振飭山海薊州邊務綱謹愿盡心吏事為巡
撫數年引疾致仕卒其名蹟與李綱相亞云
陳濂字德清鄞人正統十年進士授南京刑部主事
鎮海衛卒誣訐指揮以下數十人株連逮繫甚衆濂
訊得其情抵卒罪進員外郎景泰三年遷廣東僉事

轉副使巡視海道海賊多大盜奸民又陰與通令倚
濱海圍山為窟濂率兵攻之而密遣水軍扼海上鋒
既交值大雷雨賊困度不可勝欲就舟趨外洋濂與
水上軍夾擊之賊大潰自相蹂踐斬溺無算成化二
年詔九卿舉堪任兩司正佐者尚書姚夔等會舉五
十二人以濂為首就擢左布政使久之兩廣分設巡
撫詔濂以右副都御史撫廣東時頻歲軍興供億勞
費濂久居嶺表深悉閩閩利病盡心拊循軍民藉以
稍息明年改督漕運兼巡撫江北諸府會考察奏罷
知府以下至一百七人疏請禁南京進貢內官侍勢

啓牖洩水阻運又以中官都留守穆盛倚法為人害
奏乞按治皆報可以毋憂去八年起復撫河南辭不
允至則改撫畿南居數月復改督漕運漆篤實不欺
所至有惠愛軍民宜之逾年卒官

夏頃字宗成天台人景泰二年進士授御史巡按廣
西福建有風裁天順初滑軍江西鎮守中官葉達恣
橫三司大吏莫敢抗頃奏發其姦達為飲戚不敢肆
六年以薦起擢廣東按察使時用師歲久兵不足從
民守城頃至悉遣之民皆感泣曰夏公活我成化初
奏言搔擾弗靖用兵無功此如醫之治疾必先察其

根源乃可發。平樂鉅盜有司失政撫字乖方賊因得
逼誘良民使為徒黨劇寇不踰數百脇從無力萬千
進則驅之當前退則殺以抒憤是害常在我而利常
在彼矣况用兵不已供歛日增以易搖之人心責無
窮之軍費恐外患未除內變先作請慎選監司守令
善用撫綏俾子遺之民咸懷恩固守彼被脇之衆自
聞風來歸兩廣藥石端在於此帝深納其言都御史
韓雍既破賊將置酒高會頃曰師出為民乃病民可
乎雍改容謝尋遷右布政使調江西左布政使八年
以右副都御史巡撫四川川多苗獠時為寇頃立互

知會捕法賊為之戢古州苗萬餘人徙爛土居已久
時議逐之頃謂擾之非計松潘叅將堯或謂益戍兵
三千又力陳不可事皆得寢已奏言所部將校多犯
法若必待奏請動諭時月輒至適逸請先逮繫然後
奏聞帝可之頃剛介廉潔不屈意於人善聽斷所至
民不冤在蜀三年民夷畏服然性頗高亢厭繁劇與
時多齟齬故年未五十即求退章凡四上乃得請既
歸杜門養親不接賓客又五年卒子鏞自有傳
張瓚字宗器孝感人正統十三年進士授工部主事
尚書石璞奇劬山西侍郎趙榮治沙灣決河瓚皆從

遷郎中歷勳本原字勳二府有善政成化初市舶中
官福住貪恣日役工匠千計橫取公私財賄不嘗瑣
頗禁戢其下住怒誣瑣於朝瑣遂列上住罪下布按
二司察覈布政使李頌等具實以聞住被責讓其黨
多抵法由是瑣名震一時尋以大臣會薦遷廣西叅
政轉浙江左布政使十年冬以右副都御史巡撫四
川十二年播州致仕宣慰楊輝言所屬天壩干驛溪
諸寨及重安長官司為生苗竊據請王師進討詔瑣
宣諭俾還侵地不服則征之已而瑣奏苗不恭命臣
等用致天討破寨十六斬首五百招撫復業者九千

八百有奇請設安寧宣撫司即授輝子友為宣撫以
鎮之詔可賜救獎勞費以母老謁歸至則母已卒會
松茂番賊寇邊西鄙驛騷詔起復視事先是食事林
瑩建言松茂在曩時為大鎮都御史寇深侍郎羅綺
嘗假便宜專制其地故有功今惟設兩叅將以副使
居中調度事權既輕臨敵進止率稟令制府千里請
戰謀洩機緩未有能獲利者宜別置重臣資彈壓或
即命瓚翼領專其責成計尤便部議然之乃命瓚兼
督松茂安綿建昌軍務及是瓚至軍審度形勢令副
總兵堯或深松潘叅將孫嵩軍威疊為夾攻計而瓚

乘間修河甃橋路作壘梁治月城避偏橋棧道由是
軍獲安行轉餉無阻十四年六月進攻白草壩西坡
禪定教大岩斬獲亡算移師徇茂州疊溪所過望風
降附抵曲山三岩皆負險自保奮兵攻破之再討平
白草壩餘寇先後破滅五十二岩斬首千餘級賊魁
撒哈等皆被殲其他一百五岩悉詣軍門獻馬納款
諸番盡平留兵戍要害增置墩堡乃班師帝嘉其功
徵拜戶部左侍郎辭弗就遂歸終制十五年起左副
都御史總督漕運兼巡撫江北諸府十八年歲大稔
疏請賑濟得發銀五萬兩已復勅贖移淮安倉糧分

張而瓚已卒瓚才氣過人功名著於西蜀惟天璫干
之役或言楊輝溺愛庶長子友欵官之詐言生苗為
亂瓚信之因而興師其功不無矯飾云

盧祥字仲和東莞人年三十始習舉子業省其兄全
州訓導寬遂領廣西鄉薦登正統七年進士授南京
禮科給事中數有論建常坐事微下吏事白留為吏
科給事中景泰四年秋以災傷卞詔寬恤凡謀逆殺
人及盜並許自首除罪祥上言此皆巨憝常赦不原
往者陛下登阼因廣東寇亂偶沛曠恩不可為例且
使此而免罪彼受害衆家終銜寬憤好惡既戾人心

感召寧回輿意欲致鄰災反恐召變帝感其言乃下
所司再議時鎮守福建中官戴細保貪恣為辦事吏
丁昇所奏帝不問祥言往交趾既平以一中人肆虐
遂喪師失地今細保違法害民恐復激鄧茂七之變
不可不察此事未上聞彼猶心畏今知而不罪復何
顧忌哉乞賜推驗明正刑章并勅天下鎮守內臣惟
理機密毋侵有司應貢品物責自辨納毋為民擾隨
從後人府縣歲一易勿令久據庶上不失國體下不
失人心帝不能用吏部尚書王直請老帝不許祥言
直懇懇辭宜從其請必人望見留當免朝奏弗煩

以政俾之就第有大議召而咨之於優崇老臣庶為
得禮祥好議論識大體雅以風節自矜全官中獨與
林聰厚善凡有獻納多協成之故名稱亦相埒既十
年不調意不能無望乃劾吏部左侍郎項文曜儉請
專擅選法詔廷臣按狀文曜言祥求遷官不得故見
誣遂并執祥治之謫蒲州判官天順初召為禮科都
給事中八年屢遷會都御史代徐廷璋巡撫延綏祥
留心邊務教上封事多合機宜以而人不樂久處邊
地上章乞罷為鎮守諸臣疏留不果去成化三年秋
震午門御邊勅老乃致仕

李侃字希真，東安人。東行人司副。侃舉正統七年進士，授戶科給事中。景帝監國，陳簡將才募民壯，用戰車三事也。先通京師議者，欲焚城外馬革。侃亟言賊性輕剽，無持久心，乞勿焚毀，免他日復歛為民累。皆報許。時父母在容城，侃晝夜悲泣，乞假冒白刃迎之。逢寇，幾殆。景泰初，議錄扈從死事諸臣。後侃言避難偷生者，宜加嚴譴，以厲臣節。上皇將還，與全官劉福等言禮宜從厚，忤旨被詰。尚書胡濙為解，乃已。再遷都，給事中星變求言，請如于謙議罷給僧道度牒，且指切時政。先是軍興，減天下學校師儒俸廩，至

是侃以為言詔復之戶部尚書金濂違詔徵租侃連
章論列濂竟下吏武清侯石亨縱從子都督彪侵民
業侃請置之重典并嚴禁勅戚中官不得豪華細民
有司容隱者與全罪帝宥亨彪餘如其請時給事中
敢言者林聰稱首而侃亦矯矯有直聲廷議易儲諸
大臣唯唯侃灑泣言東宮無失德聰與御史朱英亦
言不可事雖不能止然時議壯之旋擢侃詹事府丞
預修宋元通鑑綱目五年順天饑催科方急侃疏請
得停緩英宗復位改太常丞居父憂以毀聞服闋改
太僕進少卿憲宗初諫激勸四事請設武科擇武將

募沿邊土真購蠻夷器自攻擊事多議行成化二年
復設山西巡撫選侃右僉都御史任之奏言塞上之
地與窮荒無異寒風裂膚驚沙慘目自是生長其間
者未有能寧居而狎敵者也今南人戍西北邊者怯
於風寒聞賊牒粟而北人南戍亦不耐鬱暑至即潛
逸宜令南北清勾之軍各就本土補伍庶人情交便
而我備得修時不能從首小石愛子被禽以馳馬來
贖侃請歸之以結其心巡按御史李傑抑取所部物
不予直侃發其事傑亦訐侃他罪遣官按之傑事有
驗遂被逮除名而訐侃不已再道給事中蕭彥莊按

之得侃薦舉不避親故擅提都指揮宮坊諸事帝以
侃無賊罪宥之六年考察屬吏奏罷布政使王允李
正若以下百六十人因言諸臣中有年與臣相若不
堪任事者臣悉退之則如臣庸劣亦當罷黜敢乞骸
骨詔不許侃性剛方尚義節力振風紀墨吏屏迹以
其暇固用積粟選將練兵封守晏然遂專以興教化
為務又念吏多奸慝欲令冠儒冠以革其心人頗迂
之其年冬以母喪歸軍民擁泣至不得行服除遂不
出家居十餘年卒侃事親孝好學安貧沒幾不能殮
弘治初國寧生江紀得言前祭酒胡儼都御史高明

李侃學行竒功章著異日並乞賜諡寢不行侃二子
德恢嚴州知府德仁河東鹽運使皆進士

高明字上達貴溪人幼時嘗剗股愈母疾登景泰二
年進士授御史聞內苑造龍舟抗疏切諫有指揮為大
臣所陷論死辨出之徐州民苦有司貪暴訴於朝時
例越訴者戍邊明年戍邊之例防誣訴也今訴不誣
法止當杖民有為妖言者吏貪功誣以謀反明按問
無反杖止坐妖言律帝皆報許巡按河南黜屬吏不
職者六十人黃河南徙居民占耕新灘或欲履畝增
稅明曰河徙無常稅額不改異日復為巨浸民何堪

耶事遂寢再按畿輔入總諸道章奏天順初尚書陳
汝言有罪借諸御史劾之汝言遂下獄四年御史趙
明等劾天下朝覲官語觸帝怒詰革疏主名衆大懼
明獨自承都御史寇深素重明言頻年章疏盡出明
手幸弗以細故加罪帝意解顧及稱明能石亨既誅
僮僕皆見收明言亨誠有罪然僮僕不宜坐免者百
人吏部擬遷山東按察司詔留之京師乃擢大理寺
丞憲宗立拜南京右僉都御史上言留都自春徂秋
淫雨過節此陰氣太盛之故也夫君為陽臣為陰今
豈威權下蟻敷朝廷馬陽宮禁為陰今豈女謁衆盛

歟君子為陽少不為陰豈邪佞彙進歟外官為陽內
侍為陰豈奄侍竊救歟有一於此不可不戒聞春暮
時揚州民無故驚疑扶老携幼渡江而南而且方止
此亦變異之大者乞修人事以回天意時納馬入監
者多至萬餘人明奏請區別又薦郎中孫瓊陳鴻新
梅倫何宜主事宋瑛皆端方嚴潔恬於進取宜加顯
擢以風有位疏入下之所司成化三年揚州鹽寇起
守兵失利詔明討之明造巨艦名曰壽亭往來江上
者賊賊已斂跡而中官王允中錦衣指揮馮瑤後奉
命率拆板五十來籍首惡者家明慮激變館救之母

令出戶而授方畧於御史顧以山戴琥擒賊九百餘
人並江甯通堡乘高侯望賊踪跡無所匿江海為清
盜平命偕允中清理鹽課內官有帶私鹽者據法沒
入之鹽政大釐奏言自正統以來戶部與遼東撫臣
柯奉勢要及邊鎮中貴濫派准鹽致其家人交隸官
吏額外倍支宜嚴為禁革因條上利病十餘事多議
行仍還原任以親老乞終養歸十四年上杭盜發時
朔親沒免喪久矣詔起明巡撫福建督兵往討先後
擒獲四百有奇北誅首惡三十六人餘皆城死遣戍
以上杭地接浙西廣策盜易聚奏請析置永定縣

積疾徑歸久之卒明清介絕俗不樂仕進常言孔戣
三宜去司空憫三宜休吾無才一宜去有病二宜去
親老無兄弟三宜去以治盜宜再起盜平宜再去因
自號五宜居士惜其規模頗隘不能容物晚年女已
聘人後改適宗室為鄉人所議云

牟偉巴人景泰初進士授御史巡按雲南南寧伯毛
勝鎮金齒行事多違縱偉列具其罪上之將吏皆聳
肅為福建僉事成化初三司及士民合詞舉奏進秩
副使久之遷江西按察使政尚嚴厲入為太僕卿八
年以左僉都御史巡撫山東歲祲請發濟南倉儲十

萬石減價以糶臨清關稅令收米麥濟賑皆從之時
山東大饑雖已獲賑恤而饑民日衆轉徙益多俸言
昔宋仁宗聞契丹流民入境命分送諸州給曠土耕
牧富弼守青州撫輯河北流民無異土著今轉徙之
衆皆陛下赤子何聞彼此請勅隣境撫按隨所在安
輯給舍授廩秋成資遣復業又乞關中淮浙鹽百萬
引盡蠲州縣逋負租課詔如其請更命移臨清倉粟
十萬石賑之至七月俸又言公私困竭救荒靡策乞
開納粟例令胥吏得就遷富民授散官且截留漕糧
備賑亦因復上言令救荒者止救其饑不謀其寒縱

使得食終不免僵凍以死茲嚴冬已屆乞貸貧民布
帛帝皆嘉納俸又徵發東昌濟寧倉粟十餘萬石為
軍士月糧而以德州臨清寄庫銀易米賑濟奏請伏
專擅罪帝特宥之己後以俸奏免柴夫折價銀移河
南輸遺粟濟山東而別給銀為遺餉山東輸京租二
十萬石給本地用十年又畿諸發臨清德州倉儲出
貸詔許發六萬石俸撫山東五年盡心寬政活饑民
不可勝數軍民咸愛之以右副都御史改撫蕪松俸
性素嚴以所部多巨室故推抑之乃禁索私租勸
富家出穀備賑動千計由是怨謗紛然中官汪直有

事南京有謫俸者直歸尚未發也俸初在山東與布政
陳鉞各負氣不相下鉞恨之後鉞巡撫遼東塌事直
因從容言俸短直信之十四年八月俸議事至京直
亦自遼東還遂請執俸下詔獄先是俸所親侍讀學
士江朝宗除服還朝俸送之九江聯舟並下所至有
司供張頗盛直因謂朝宗有所關說弄下獄朝宗
事吳璠等十餘人俱被逮指揮兵綬希直意榜掠慘
酷俸不承獨承嘗受糧長銀詔徵入官俸繫獄半歲
不能辨連坐者代輸其半詔免徵滿成湖廣朝宗朝
外復璠等官俸在江西時共成許聽獄人奏議其深

文至是被禍皆知為直誣陷而無直其寃者踰年竟
卒於成所

楊繼宗字承芳陽城人天順初舉進士授刑部主事
憫獄囚多庾死而特具食飲令三日一柳沐全活者
甚衆又善辨疑獄河間獲盜遣里民張文郭禮送京
師中途盜逸文謂禮曰縱盜者抵盜罪吾二人並當
死不若留一人汝母老鮮兄弟以我代盜庶全汝母
乎命禮泣謝從之文遂自如桎梏詣部繼宗察其言
貌疑非盜竟辨出之成化初用吏部尚書王翱薦推
嘉興知府以一僕自隨署齋蕭然若僧舍剛廉孤峭

人莫敢犯而時時集父老問所疾苦為祛除之大興
社學民間子弟八歲不就學者罰其父兄孝子節婦
旌厲恐不及過學官以賓禮賓與宴推之上坐曰吾
為民父母諸君則教吾子弟者也義屬師友豈可與
屬吏班哉其訓課怠者亦嚴加譴讓自是師儒競勸
文教大興有富民坐盜官絹繫獄論死御史張敷行
部至即日入獄閱囚指問曰此無失主繼宗曰朝廷
即失主敷曰此無告者曰知府即告者敷語塞御史
札儒清軍里老多被捷有死者繼宗榜通衢曰御史
杖人至死者詣府報名儒怒繼宗入見曰為治有體

公但當別奸剋獎勸懲官吏若比戶稽核則有司事
非憲體也儒不能難而心甚銜之頻行突入府署將
窺其隙繼宗引入卧内發篋示之弊衣數襲而已儒
慙而出中宦過者索賄繼宗但遺以菱芡及歷籍中
宦曰我無需此幸畀我金錢繼宗曰諾即發牒取庫
金語之曰金具在請與我印券他日得執以磨勘中
宦咋舌不敢受入覲汪直欲見之不可憲宗問直朝
覲官執廉直對曰天下不愛錢者惟楊繼宗一人耳
九年載扶耆超遷浙江按察使繼宗素知鎮守及諸司
胥吏舞文甫至即揭榜教其罪戒後母犯居教日高

有倚鎮守作奸者即縛之曰此輩但知自為利不顧
壞官司名節我當代掃除之鎮守亦憚繼宗方艱不
敢出氣由是奸究斂跡異時諸大吏供億率責辨民
間鎮守中官日費萬錢繼宗悉裁罷之又教與中官
張慶忤慶積不能平有兄敏在司禮每與帝前毀繼
宗帝曰得非不私一錢者楊繼宗乎敏惶懼道書慶
曰善遇之上已知其久矣聞母喪泣解印徒就號哭
出止驛亭不盡籍廨中器物付有司惟携一僕律書
數卷而還二十年服除以右僉都御史巡撫順義畿
內多權貴莊田有侵民業者繼宗輒奪還之按行關

塞武備大飭明年星變應詔陳言歷指中官及文武
諸臣貪殘狀且請召還中官出鎮者益為權貴所疾
會治中陳翼屢上謁繼宗不見翼怒疏訐其過權貴
因中之左遷雲南副使繼宗單軍之任并不以僕隨
值洞徭叛官軍數萬不能下繼宗親往諭之即遵約
東不復為亂孝宗立遷湖廣按察使既至命汲水百
斛洗滌廳事三日而後視事曰吾以除穢也由是人
人警飭不敢肆居無何復以僉都御史巡撫雲南時
去司多舊僚相見歡然既而出位揖之曰明日有公
事諸君幸相諒遂劾罷不職者八人未幾卒繼宗力

持風節而居心慈厚自處必以禮為知府謁上官必
衣繡服朝覲謁吏部亦然或言不可則笑曰此朝廷
法服也此而不服將安用之為浙江按察時有倉官
十餘人坐缺撞繫獄至鬻子女以償繼宗欲寬之而
無由一日送月俸至命量之則溢原數較他司亦然
因悟倉吏缺糧之由將其實以聞衆懼請於繼宗願
損俸代償由是十人者獲釋且復官嘗監鄉試得二
卷即具朝服焚香再拜仝事者問故曰二子當試魁
天下吾為朝廷得人賀耳及拆卷乃王莘李曼也後
二人果相繼為狀元人由是服其識鑑夫啟初蓋貞

書

王詔字文振趙人生有異姿學士曹鸞見而奇之妻
以安天順末登進士授工科給事中直諫敢言睿皇
后崩值秋享太廟時議謂不當以卑廢尊詔言禮有
喪不祭無則移日後釋服議雖不行識者趨馮奉命
勅收馬草場劾會昌侯孫繼宗撫寧侯朱永侵占罪
還草場於官時有詔方面官缺京卿三品保舉詔言
此令若行卽奔競者得志害治非淺帝不聽衆遷都
給事中八年七月勅修隆善寺工竣命授工匠三十
人為文思院副使尚寶少卿任道遜等以書碑省進

秩詔上言陛下紹承弘業於茲九載天變於上而星
妖見地變於下而江海溢或盛夏霜降或平地成阜
強寇侵邊將士暴露兼水旱洊臻厲疫交作軍民疾
苦日甚急為之汰冗官去浮費以節用救荒猶慮不
及於事乃因一寺之成濫授官爵彼西征北伐殞軀
損命之人將何以酬之方營葺伊始臣失論諫固已
獲罪此又不言如祖宗設官意何疏入不省已偕同
官韓文梁璟等薦致仕尚書王珪李秉都御史高明
而劾都御史王越且及宮闈密事帝大怒召崔文華
嚴而詰詔仰而呼曰臣等言雖不當然區區犬馬之

誠知為國而已，乃杖而釋之，出為湖廣右叅政、都御史。原傑經畧荆襄，詔賈理功為叅。弘治元年起貴州左布政使，其冬以副都御史巡撫雲南。土官好爭襲，所司入其賄，變亂曲直，多生邊患。詔不通苞苴，一斷以法，且去弊政之不便者。由是諸夷歸命，邊徼寧戢。鎮守中官王舉聚斂為金寶，玩具將獻之，會卒，詔言舉不遵明詔，造作珍巧以充私貢，本非聖主所宜受。况如屏風、石林之類，重大難致，請貯之雲南庫藏，而金銀器及寶珠、象牙諸物宜付戶工二部備用。象不堪充儀衛者，付土官易馬，給驛度，昭明王不貴異物之

意帝不能用雲南有政官不能歸者妻子多鬻為奴
詔為資給得歸者甚衆四年召拜南京兵部右侍郎
未上卒詔為人端方直亮進止有常度雖登廕仕室
無長物卒之日沐浴衣冠以俟

謝士元字仲仁長樂人景泰五年進士授戶部主事
督通州倉陳四弊屢與監倉宦官忤宦官忿求其罪
無所得天順七年擢建昌知府地多竊盜為軍將所
庇不可詰士元得其狀以他事持軍將皆收粟奸無
所伏有發輒得乃大新學宮作禮樂器立觀德亭行
射禮購書萬餘卷資學者誦習建祠祀宋李觀表孝

子節婦惓惓務化民成俗凡公署却驛壇遺城堞悉
新之府中事細大無不舉先是民習蓄訟士元至羣
懷偽券訟田宅一人甫出券士元疾叱之去曰券偽
也固今式而所訟乃二十年事非偽耶皆驚服訟焉
衰止歲饑勸富民開廩延糴民賴以濟成化八年治
行聞賜誥旌異秩滿民詣闕請留詔增秩准事尋改
知廣信永豐有銀穴久閉處州民常盜發動至數千
人將士憚其驍獷不敢議勅時士元當遷秩或勸先
去避之士元不可勅兵趨之賊伴遁兵亦休且炊賊
突至遮刺士元傷左股血流至足有巡檢疾呼曰此

謝公也賊何敢傷命吏賊亦愕相視不敢逼士元乃
暴創力戰獲其魁俘斬甚衆卒塞其穴而還入覲改
永平遭喪不赴服闋起四川右叅政東鄉縣盜竄盜
况三入城莫能制士元督兵討之斬獲多衆議徙縣
士元曰盜畏徙乎檄所司覓舊城成以土兵遂無患
進右布政使弘治元年就擢副都御史土番有大小
娃者將煽亂士元託行邊馳詣其地指揮部署壁壘
爲一變賊大恐私幸其未發獻羊豕羅拜道左曰今
得幸見公士元塞難徐行慰遣之嚴邊備得隱米計
三萬石有奇會大被流民趨就食士元爲廣壘計餘

臣煮糜食之療疾痊死給歸者符使傳食還其處全
活數萬人明年坐事下獄事白遂致仕士元性孝友
家居行義甚備治官事如其家遇事不顧利害必違
其志世以此賢之

論曰明制遣大臣巡撫四方猶漢州牧唐節度使宋
制遣使之職其權甚重故其時才智之士得奮於功
名垂聲後世如原傑諸臣或績在封守或澤被生民
皆表表足稱述雖張瓚盧祥年俸頗招物議然勞於
其職一方實賴之不可謂非良牧也故採其行事著
之